

Safet Kešo, zastupnik SDA u Predstavničkom domu

Parlamentarne skupštine Bosne i Hercegovine

Sarajevo, 14.4.2025.godine

 **BOSNA I HERCEGOVINA**
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 11.04.2025			
Organizaciona jedinica	Klasifikaciona oznaka	Redni broj	Broj priloga
01-	50-1	-408.	25

- Predsjedavajućem PD PS Bosne i Hercegovine
- Dopredsjedavajućim PD PS Bosne i Hercegovine
- Agenciji za unapređenje stranih investicija Bosne i Hercegovine (FIPA), direktoru

U skladu sa članovima 166., 170. i 171. Poslovnika Predstavničkog doma Parlamentarne skupštine Bosne i Hercegovine **UPUĆUJEM/PONAVLJAM** pitanja direktoru FIPA Marku Kubatliji.

Na pitanja u pisanoj formi koja sam 10. februara 2025. godine uputio direktoru Agencije za unapređenje stranih investicija Bosne i Hercegovine Marku Kubatliji iz navedene Agencije mi je dostavljen dokument koji je naslovljen kao „odgovor“, a koji uopće ne sadrži nikakve odgovore na postavljena pitanja.

Naime, umjesto konkretnih odgovora na vrlo konkretna pitanja, u pomenutom dokumentu kojeg potpisuje direktor Agencije Kubatlija sadržani su njegovi subjektivni stavovi te potpuno besmislena naglabanja i neprimjerene insinuacije o motivima, karakteru i svrsi pitanja koja sam mu postavio.

Podsjećam gospodina Kubatliju da ja nisam od njega tražio da on meni obrazloži moje motive za pitanja koja sam mu postavio, već sam od njega tražio **ODGOVORE NA PITANJA!**

Stoga ponavljam svoja pitanja, dodatno ih preciziram i tražim da mi gospodin Kubatlija u svojstvu direktora odnosno odgovornog rukovodnog lica Agencije dostavi konkretne odgovore na sljedeća pitanja:

1. KO JE u ime Agencije za unapređenje stranih investicija Bosne i Hercegovine putovao u službenu posjetu Ujedinjenim Arapskim Emiratima u decembru 2024. godine?

2. KOJE SU FUNKCIJE OSOBA KOJE SU PUTOVALE u sklopu ove službene posjete?

3. S kim su tačno održani sastanci tokom pomenute posjete i zašto su informacije o sastancima objavljene na zvaničnim nalogima Agencije tek dva mjeseca nakon njihovog održavanja, odnosno nakon što su Agenciji dostavljena moja pitanja?

4. Tražim DETALJAN PRIKAZ UKUPNIH TROŠKOVA PUTOVANJA, uključujući zasebno troškove za smještaj i naziv objekta u kojem su smješteni članovi delegacije, troškove avionskih karata, dnevnica i pregled eventualnih dodatnih troškova.

Očekujem da mi, u skladu sa članom 171. Poslovnika PD PS Bosne I Hercegovine, precizne odgovore dostavite u pisanom obliku u roku od 30 dana od dana prijema ovog zahtjeva.

Ukoliko odgovori izostanu, budu nepotpuni ili na bilo koji način ponovo budu neadekvatni, dužan sam iskoristiti svoja prava I obaveze te predložiti daljnje zakonsko postupanje u vezi sa slučajem na koji se ova moja pitanja odnose.

Zastupnik:


Safet Kešo